

高苑縣誌卷之八

藝文誌

邑令蘭谿張耀璧荆巖氏纂定

敘周文以人顯地以文重苑邑雖褊小豈無堅金貞
璽雍勑名勝乎豈無湘素之品題咏江漢而賦崧高
者乎若夫條議時事又文章之有用者第五季兵革
金元戰爭典籍之散逸者多矣求十一於千百凡有
關於邑境者錄於篇以稱一方之文獻顧葺漏正訛
尚有望於博雅君子云

葛公舊志載有誥勅一冊宋志削去古公續志復載
今仍舊志載於藝文之首所以重

綸者也其他序文碑記歌謠詩贊之類仍依次編附惟
碑記間有年代先後之差今以剗剔乏資合舊續兩
志而總彙之不無少有攙錯云順而編之是所望於
後之踵事者

誥勅

成化十九年贈南城兵馬司副指揮何浩父母

曰國家推恩臣下必及其親者所以重本而勸孝也而何間于存沒哉爾何瑄乃南城兵馬指揮司副指揮何浩之父慶澤所鍾訓成厥子子今顯用而乃云沒推原其本卹典宜申茲特贈爾爲文林郎南城兵馬指揮司副指揮九原有知服斯寵命惟羣臣之才者固本於父訓亦必資於母德存有褒設有贈此國家之令典也爾王氏乃南城兵馬指揮司副指揮何浩之母有子能官由爾訓育揆其所自卹典宜頒茲特贈爾爲孺人尙克承之永賁幽壤

成化十九年封南城兵馬司副指揮何浩前妻

曰京師天下之都會故置官巡察所以摧奸宄而佑良善也爾南城兵馬指揮司副指揮何浩發身胄監擢仕今官歷歲茲深克勤且慎是用進爾階文林郎錫之勅命以爲爾榮其益盡心毋怠厥職婦從夫貴不以存沒而異恩蓋重人倫之始以敦風化之本也爾南城兵馬指揮司副指揮何浩妻劉氏恪修婦道善相其夫夫令顯庸而乃早沒茲特贈爾爲孺人九原有知服斯寵命國家錫命羣臣而必及其宰家者所以嘉內助之賢不恩義之廣也爾南城兵馬指揮司副指揮何浩繼室劉氏婦道克謹允宜厥家茲特封爾爲孺人服此榮恩永光閨闈

弘治十四年封廣平府通判劉寧父母

曰親之教子必期於成名子之孝親莫大於養志肆舉馳封之典用申光顯之情爾劉旺乃直隸廣平府通判寧之父跡晦丘園家傳詩禮克篤義方之訓遂成令子之才賢勞克佐乎侯邦褒寵宜頒乎國典茲

特封爲承德郎直隸廣平府通判欽承顯號益衍
齡教育之恩母齒不殊於父褒封之典君實加寵
於臣緣人子之至情爲國家之定制爾李氏乃直隸
廣平府通判劉寧之母稟資端懿賦性慈良飭闔範
以相夫佐義方以教子祿養既隆於閭釜褒恩宜昇
乎絲綸茲特封爾爲安人祇服寵命益綿壽祉

弘治十四年封廣平府通判劉寧並妻

曰親民之政非久不成錫命之隆惟賢是予顧典章
之具在實激勸之所開爾直隸廣平府通判劉寧論
秀鄉闈擢官郡倖才實優於佐政志克謹於持身歷
歲既深課功斯最宜申恩典以獎賢勞茲特進爾階
承德郎錫之命於戲治民莫先於獲上已徵名顯
之良善始尤貴乎保終庶竭醊爲之益訓辭具在尙
克祇承欽哉臣之勞於報國無功不酬妻之義在
從夫有榮斯與典章具在風化所關爾直隸廣平府
通判劉寧妻王氏毓德柔嘉持身謹飭克勤內助茂
著閭儀宜申綸綍之褒以示閨門之勸茲特封爾爲

安人尙期祇奉益迓寵光

嘉靖四十三年封大官署署丞王士行父母

日福以德集慶由善衍有恒應焉凡食報於後者必其作善於前者也爾原任王府典膳王九齡乃光祿寺大官署署丞士行之父素履朴茂孝友是敦廸子有成爾乃先逝斯亦有可憫者茲以爾子奏績特贈爾爲徵仕郎光祿寺大官署署丞精爽不忘祇服綸訓凡在位之臣所就雖有不同莫不有母以教育之而福祚所由引長也爾孫氏乃光祿寺大官署署丞王士行之母賦德柔嘉宜家恭敬乃成爾子效川於時茲享永齡榮承寵命亦足爲慈闈之光矣茲特封爾爲太孺人恩渥祇承益增遐祉

嘉靖四十三年封大官署署丞王士行並妻

日大官列屬光祿視諸署之務獨重且繁非敏慎之士鮮克稱也爾光祿寺大官署署丞王士行蚤游

校進業庸茲奏歲績特授爾階徵仕郎錫之命以爲爾榮
尚茲懋不淪以稱任使稽年叙閔爾忘欽哉
妻以從夫爲義而榮命亦因之故錄庶僚之績寵褒
必逮其配者制也爾光祿寺大官署署丞王士行之
妻何氏裋身儉約允宜於家乃相爾夫茂祗厥服用
昭敬助得竝夫階茲特封爾爲孺人益儆風宵茂承渙渥

隆慶元年封戶部陝西清吏司主事張希召父母

曰蓄材砥行之士不自顯試以式穀嗣人則其業愈
昌而施澤愈博國家追崇之命豈有靳焉爾張珩乃
戶部陝西清吏司主事希召之父學古通經餘躬尚
行高蹈允推於鄉國義方尤篤於家庭俾二子咸起
儒科服官近署教忠有自錫寵允宜茲以爾仲子之
績贈爾爲承德郎戶部陝西清吏司主事用慰未成
之志不朽之光觀樛木螽斯之詩竝列於周
南則知有逮下之仁而後有生賢之慶國家推恩嫡

母率是義也爾崔氏乃大理寺評事張希稷之母
戶部陝西清吏司主事張希召之嫡母端莊植範
睦揚盛相夫則有蘋藻之賢勗嗣則均鴈鳩之愛爾
子既升華於棘寺而康子復暢舉於民曹恩宜並推
爵惟從貴是用贈爾為安人服茲愍綸光於幽宅
人臣致身祿位而念其所自生則劬勞之恩不可忘
也矧或壽母以遂其燕喜之情乎體群臣肆有休
命爾董氏乃戶部陝西清吏司主事張希召之生母
性賦純良儀修順正篤生令子績學登庸及爾壽康
服茲新渥是用封爾為太安人尚昭受乎恩綸永優
游於祿養

隆慶元年封戶部陝西清吏司主事張希召並妻

日土起明經而習知金穀之事此世之通材而列
之地官以贊經國祿民之政者也嗣位之初簡任方
切慶賚可獨後歟爾戶部陝西清吏司主事張希召
擢於廷對筮仕民曹爾懋秉操端廉服官勤慎會計

克審出納惟明長貳稱之曰能可謂良矣頃所司
爾歲績來上而方以踐祚覃恩遂用授爾階承德
郎錫之命夫先王以三壤成賦九式節財故民富
而國無不足今出入固有經也而公私困詘不逮古
遠甚與司計之臣共其憂爾有令聞尙圖遠效贊
新政于訓詞有光焉懋哉國家䟽榮臣庶旁及
中閨所以正齊體之倫而彰敬助之賢也爾戶部陝
西清吏司主事張希稷召妻王氏賦性端莊持家勤約
爾夫學不弛業仕不違箴惟爾能交儆以有成
也是用封爾爲安人尙篤前徽益襄內政

隆慶二年封大理寺右寺右評事張希稷并妻

曰大獄重事也獄疑而有司失讞者移廷尉廷尉天
下之平折獄者取衷焉故凡厥長屬咸選茂明而褒
予之典厥惟從厚爾大理寺右寺右評事張希稷起
家甲第再領邑符所在以廉平稱而擢於茲秩則能
審簡孚之義民以不寃爾信良士已茲以建儲覃恩
授爾階文林郎錫之命書曰獄成而孚輸而孚得

其平也爾益公乃心精乃識不以既具而憚更不徇
已見以伐異上體予欽恤之仁而成汝明允之績
不休歟祇此訓詞以永前譽士以績學致用不
其自樹者懋也所以交儼而翊相之者蓋必有內助
之益焉故號恩臣下而并及中閨國之盛典所不廢
也爾大埋寺右寺右評事張希稷妻楊氏疏秀名宗
嬪歸望閭敬戒匪懈婦道允修相其夫子効官底績
其徽懃足稱已茲特封爾爲孺人欽服寵名益敦祇
慎

隆慶二年贈戶部廣東清吏司郎中張希召父母

日潛德令終之士能以其行誼發聞有司名在祀典
斯已難矣况其後之人能推衍家慶載迂國恩乎爾
贈承德郎戶部陝西清吏司主事張翊乃戶部廣東
清吏司郎中希召之父敦行孝友雅尚安貞學博而
志未酬行修而名不立肆詒爾穀施之嗣人有祠工
鄉有命於國可謂沒而不亡矣茲特加贈爾爲奉

大夫戶部廣東清吏司郎中祇襲龍章之賁益昭燕

翼之休人臣之

之恩實與生等國

本而崇報也爾贈

中張希召之嫡母

私所生以致簪纓

已邇而潛德愈彰

其歆此壽母之

從王事入奉母儀

情又何如也爾封

郎中張希召之生

愛而勞之用能致

逮于祿養亦榮已

爲太宜人服此新

隆慶二年封戶部廣東清吏司郎中張希召并妻

日尚書郎高選也

數以褒嘉之矧列秩地曹司我邦計者乎爾戶部廣

東清吏司郎中張希召才諳通明操持恪慎往繇甲
選參佐郎闡主爵之吏嘗䟽爾歲闌進律推恩矣比
加今秩並懋初猷黷九土之征書萬人之版恪勤夙
夜其嘉之茲特授爾階奉政大夫錫之命夫
躬率天下以儉約歲歲蠲租所以憫仁百姓甚厚乃
閭里未聞絳足而邊用滋倭將何以待之爲予幹臣
佇有良畫夫人臣妻道均有代終之義焉故貞臣
受爵而益恭良婦服寵而能戒交相愛助始終以之
此褒勵之章所以無靳於累錫也爾戶部廣東清
吏司郎中張希召妻封安人王氏系出望閭德爲女
師相協爾夫旣以服官底績矣而夙宵致儆勤慎不
渝有古雞鳴之風焉茲特加封爾爲宜人往從夫貴
益祇婦儀

隆慶二年封鴻臚寺序班王士尙

日
者爲
以升儲布慶一單施廷家而分綜典禮列屬鴻臚
敘九賓而貞百僚職守既繁均宜褒予爾

瞻寺序班王士倫本以業儒簡授茲官而能敬慎小
心宣勞夙夜足稱任使已茲特授爾階爲登仕佐郎
錫之命夫郊廟朝廷之禮至大且重以爾嫺習禮
文錫此訓詞其益思奮勵無替初忱以需終績

隆慶六年封懷慶府濟源縣知縣張修吉父母

曰潛德之士篤行慎修不顯其身則必駿發於其子
此天道也爾張鯤乃河南懷慶府濟源縣知縣修吉
之父名振膠庠行年邦族式穀爾嗣暢譽民師爾之
教顯矣是用封爾爲文林郎河南懷慶府濟源縣知
縣祇承寵貺以介遐齡及親而仕三釜爲悅此人
子之至情也矧率由慈訓以振官常者乎爾傅氏乃
河南懷慶府濟源縣知縣張修吉之母宜家佐內克
媿令人季祉儲祥篤生良士慈齡未艾祿養方寧是
用封爾爲孺人渙綸綍
以偕榮表庭闈之具慶

隆慶六年封懷慶府濟源縣知縣張修吉并妻

日邑有長吏百里之所寄命也。憫念元元嘉興循
良究宣德澤自非何彥孰與共此爾河南懷慶府濟
源縣知縣張修吉。乃自定制科試之邑宰乃操修有恪
撫字惟勤存牘交。勿治在異等茲以考績特進爾階
文林郎錫之。命。爾既有新擢矣尙秉初忱懋樹終
績則于汝嘉欽哉。臣効忠以事上婦秉德以相夫
其績均也故國有。命必竝及焉爾河南懷慶府濟
源縣知縣張修吉。安王氏相夫登仕茂著賢聲壺範
式彰光榮未艾是。封爾爲孺人
祇承冠帔之華益。心蘋蘩之職

隆慶六年封戶部福建清吏司主事張修吉父母

曰士有積學好修。偶于時而能式穀嗣人服官。署
顯被寵褒此其。自致者奚以異哉爾封文林郎
河南懷慶府濟源縣知縣張鯤乃戶部福建清吏司
主事修吉之父。曉諭。敦倫窮經方學雖科名竟誦而
哲嗣能。宜有依。因。以彰義訓茲特加封爾爲承德
郎戶部福建清吏司主事祇膺異渥茂介康祺。古

有之及親而仕三釜爲悅矧父母俱存躬膺祿養並
荷恩褒以稱慶于家庭豈非人子至願哉爾封肅人
傅氏乃戶部福建清吏司主事張修吉之母慈惠靜
專動遵圖史君子偕老哲嗣在朝可謂備德全祇已
茲特加封爾爲安人祇膺
綸綍之華益衍桑榆之慶

隆慶六年封戶部福建清吏司主事張修吉并妻

曰地官之屬分理國家土田貢賦之政令其責繁且
重非茂異敏練之士鮮克稱焉爾戶部福建清吏司
主事張修吉擢類制科試官宰牧爰稽荐牘晉于計
曹爾乃矢慮殫謀審于出納可謂祇厥敘已覃恩有
詔特授爾階承德郎錫之命夫國家財賦取諸民
者已廣而京邊伍之需十居七八今閭閻不殷而
國用稱訕竊憂之嚴蠹孔以濫利源固爾司計者
所當汲汲也尙懋遠圖光于訓命欽哉雞鳴之德
有裨士行尙矣王朝錫慶在廷俾閨闈之賢並承寵
渥褒敬助以風世也爾戶部福建清吏司主事張修

吉妻封表內襄著宜家之範

孺人王氏恪踐閭閻葵相茂夫子宜願恩渥用茲特加封爾爲安人匪徒侈從爵之榮抑以

萬曆元年贈陝西按察使司兵備副使張希召父母

曰爵列崇班作忠由于移孝學本嚴訓資父所以事

君爰舉勲封之典用慰作室之志爾累贈奉政大夫

戶部廣東清吏司郎中張珏乃山西等處承宣布政

使司分守朔平兵備道右叅議希稷及整飭榆林東

路分巡皇甫川建安等處建牙神木兵備道陝西按

察使司副使希召之父詩禮名家忠孝準第誦嗣聰

穎克篤義方之訓生子能勞遂成卓異之才俾二子

共起制科服官清慎一馳聲于秦臬一官猷于晉藩

恩宜竝推爵唯從貴茲以踐祚覃恩因爾少子之績

加贈爾爲中憲大夫整飭榆林東路分巡皇甫川建

安等處建牙神木兵備道陝西按察使司副使九原

有知服茲寵命人臣之才固多本于父訓忠貞之

志亦必資于母德國家敷錫之典所以報熊丸之教也爾累贈宜人崔氏乃山西等處承宣布政使司分守朔平兵備道右叅議張希稷之母爲整飭榆林東路分巡皇甫川建安等處建牙神木兵備道陝西按察使司副使張希召之嫡母稟姿端懿賦性順正飭壺範以相夫佐義方以教子以致鴻才聚于一門綸綍光于三命雖徽音已邈而潛德愈彰茲以爾庶子之績加贈爾爲恭人服慈愍綸光于幽宅顧復之恩母原不殊于父褒封之典君實有加于臣况七誠業已蚤嫻三遷又有足法者乎爾累封太宜人董氏乃整飭榆林東路分巡皇甫川建安等處建牙神木兵備道陝西按察使司副使張希召之母慈著含飭教先誥穀篤生令子効用于時揆厥所由卹典宜頒茲特加封爾爲太恭人祇承冠帔之華益衍桑榆之慶

萬曆元年封陝西按察使司副使張希召并妻

失